



Bwletin GwE



#Diolch




Rhannwch ein bwletin â thîm staff yr ysgol i gyd ac anogwch eich holl gyd-weithwyr i ymuno â'n [rhestr bostio](#).

Cysylltu â GwE

Rydym yma i helpu! Rydym ar-lein ac wrth law i gefnogi ysgolion a llywodraethwyr.

Cysylltwch â ni ar post@gwegogledd.cymru ac fe atebwn cyn gynted ag y bo modd.



Cyfleoedd gyda GwE

Swyddog Prosiect - Ein Llais Ni

SWYDD DROS-DRO HYD AT HYDREF 2022

Rydym yn awyddus i benodi person brwdfrydig i ymuno â chynllun cwbl unigryw i hyrwyddo sgiliau llafaredd ein dysgwyr yng Ngogledd Cymru. Bydd y cynllun yn gyfle i aildanio a gwreiddio sgiliau gwrandao a siarad wrth gynllunio'r cwricwlwm ar gyfer y Cwricwlwm i Gymru gan ystyried strategaethau dysgu ac addysgu llafaredd rhyngwladol. Mae'r cynllun yn rhoi cyfle i ysgolion gydweithio fel tîm ymchwil gweithredol mewn cydweithrediad â Phrifysgol Bangor a GwE; gyda'r gwaith wedi'i gyllido gan Lywodraeth Cymru.

DYDDIAD CAU: 10.00AM, DYDD IAU, 16 MEDI 2021

Am sgwrs anffurfiol, cysylltwch ag Eleri Owen, Rheolwr Prosiect (elerillewelyn@GwEGogledd.Cymru).

Am ragor o fanylion a ffurflen gais, ewch i www.gwynedd.gov.uk neu ffonio 01286 679076.

Rheolwr Adnoddau GwE (Ail Hysbyseb)

Bydd yr ymgeisydd llwyddiannus yn arwain y gwaith o sicrhau bod gan GwE gyfundrefnau a systemau priodol ar gyfer cyflawni rheolaeth ariannol effeithiol. Bydd y Rheolwr Adnoddau yn gyfrifol am gynllunio a rheoli adnoddau'r gwasanaeth gan weithredu newidiadau a rheoli gweithgareddau. Bydd y rôl hefyd yn cynnwys sicrhau yr ymlynir wrth holl reoliadau ariannol a chaffael, a bod prosesau busnes y cytunwyd arnynt yn cael eu dilyn er sicrhau adrodd am wybodaeth reoli ystyrlon oddi mewn i GwE.

Bydd hefyd yn cynghori'r Uwch Dîm Arwain ynghylch materion sy'n ymwneud â chyllid, eiddo, materion staff, iechyd a diogelwch, gan ddarparu cyswllt ag Adnoddau Dynol.

Mae'r gallu i gyfathrebu'n rhugl yn y Gymraeg yn hanfodol ar gyfer y swydd hon.

DYDDIAD CAU: 10.00AM, DYDD IAU, 16 MEDI 2021

Am sgwrs anffurfiol cysylltwch ag Arwyn Thomas, Rheolwr Gyfarwyddwr GwE, ar 03005008087 neu e-bost

ArwynThomas@GwEGogledd.Cymru

Am ragor o wybodaeth a ffurflen gais ewch i www.gwynedd.gov.uk neu cysylltwch â 01286 679076.



Ymgynghorydd Cefnogi Gwelliant: Uwchradd

Cyfle am swydd barhaol neu secondiad.

Secondiad ar delerau ac amodau presennol – rhaid i'r Corff Llywodraethu gytuno cyn i chi ymgeisio.

Bydd yr ymgeisydd llwyddiannus yn gweithio mewn tîm i gefnogi ysgolion ar draws y continwrm 3 i 16. Bydd yn gweithio gydag ysgolion i gefnogi pob agwedd ar wella ysgolion gan gynnwys gweithio mewn partneriaeth gydag amrywiol randdeiliaid.

DYDDIAD CAU: 10.00AM, DYDD IAU, 30 MEDI 2021

Am sgwrs anffurfiol, cysylltwch ag Elfyn Vaughan Jones, Uwch Arweinydd: Uwchradd (07557759240 / elfynjones@GwEGogledd.Cymru).

Am ragor o fanylion a ffurflen gais, ewch i www.gwynedd.gov.uk neu ffonio 01286 679076.

Ymgynghorydd Cefnogi Gwelliant: Saesneg a Llythrennedd Uwchradd

Cyfle am swydd barhaol neu secondiad.

Secondiad ar delerau ac amodau presennol – rhaid i'r Corff Llywodraethu gytuno cyn i chi ymgeisio.

Bydd yr ymgeisydd llwyddiannus yn gweithio mewn tîm i gefnogi ysgolion ar draws y continwrm 3 i 16. Bydd yn gweithio gydag ysgolion i gefnogi pob agwedd ar wella ysgolion gan gynnwys gweithio mewn partneriaeth gydag amrywiol randdeiliaid.

DYDDIAD CAU: 10.00AM, DYDD IAU, 30 MEDI 2021

Am sgwrs anffurfiol, cysylltwch ag Elfyn Vaughan Jones, Uwch Arweinydd: Uwchradd (07557759240 / elfynjones@GwEGogledd.Cymru).

Am ragor o fanylion a ffurflen gais, ewch i www.gwynedd.gov.uk neu ffonio 01286 679076.

Rhaglenni Cenedlaethol

Rhaglenni Datblygu Arweinyddiaeth Cenedlaethol



Rydym yn falch o rannu dyddiadau efo chi ar gyfer carfannau nesaf y Rhaglenni Datblygu Arweinyddiaeth cenedlaethol.

Noder, yn benodol, lansiad ar 14/09/21 o'r **Rhaglen Datblygu Arweinyddiaeth Ganol**. [Cliciwch yma](#) am fwy o wybodaeth a sut i ymgeisio.

Os bu i chi fethu'r sesiwn briffio ar gyfer y **Rhaglen Datblygu Darpar Benaethiaid – paratoi ar gyfer CPCP**, ceir recordiad ar y [wefan](#).

Rhaglen Datblygu Arweinyddiaeth Ganol	
Ceisiadau yn agor	14/09/21
Dyddiad cau ar gyfer cyflwyno cais	erbyn 1yp ar 07/10/21
Sesiwn ragarweiniol ar gyfer ymgeiswyr llwyddiannus	w/c 29/11/21
Rhaglen yn cychwyn	Ionawr 2022
Rhaglen yn gorffen	Rhagfyr 2022

Rhaglen Datblygu Uwch Arweinwyr	
Ceisiadau yn agor	21/09/21
Dyddiad cau ar gyfer cyflwyno cais	erbyn 1yp ar 14/10/21
Sesiwn ragarweiniol ar gyfer ymgeiswyr llwyddiannus	w/c 29/11/21
Rhaglen yn cychwyn	Ionawr 2022
Rhaglen yn gorffen	Rhagfyr 2022

Rhaglen Datblygu Darpar Benaethiaid – paratoi ar gyfer CPCP	
Lansio'r Rhaglen	01/07/21
Sesiynau briffio ar gyfer darpar ymgeiswyr	13/09/21 & 14/09/21
Dyddiad cau ar gyfer cyflwyno cais	erbyn 1yp ar 22/10/21
Rhaglen yn cychwyn	Ionawr 2022
Ceisiadau ar gyfer Asesiad CPCP	Tachwedd 2022
Canolfan Asesu CPCP	Chwefror 2023

Dyddiadau Dysgu Proffesiynol ANG 2021-2022

Pennwyd dyddiadau ym mis Medi a Hydref ar gyfer sesiynau briffio cenedlaethol Athrawon Newydd Gymhwys (ANG), Mentoriaid Sefydlu ANG a Gwirwyr Allanol ANG 2021-22. Cliciwch [yma](#) am wybodaeth bellach am sut i ymuno â'r sesiynau, yn ogystal â'r holl ddyddiadau.

Cyfle cyffrous i Gynorthwyywyr Addysgu newydd!

Mae'r **Rhaglen Ymsefydlu Cynorthwyywyr Addysgu** i unigolion sydd newydd eu penodi i'r swydd. Cyflwynir y rhaglen genedlaethol hon ar lwyfan ddigidol. Bydd modd cwblhau'r hyfforddiant ar amser sydd yn gyfleus i'r cynorthwyywyr ac i'w lleoliad. Am fwy o wybodaeth a manylion am sut i gofrestru, [cliciwch yma](#).

Newyddion a Gwybodaeth GwE

Dangosfwrdd Cynllunio Grantiau Rhanbarthol 2021/22

Mae'r Dangosfwrdd Cynllunio Grantiau Rhanbarthol ar gyfer 2021/22 bellach ar gael i ysgolion.

Dilynwch y [canllawiau sydd ynghlwm](#) i fynd at y dangosfwrdd.

Mae'r dangosfwrdd yn cynnwys y 3 prif grant rhanbarthol:

- Grant Gwella Addysg
- Grant Datblygu Disgyblion
- Grant Dysgu Proffesiynol

Mae'r adran ganllawiau wrthi'n cael ei diweddarau a bydd ar gael cyn gynted ag y bo modd.

Os cewch unrhyw broblem, peidiwch ag oedi rhag cysylltu â'ch Ymgynghorydd Cefnogi Gwelliant neu anfonwch e-bost i grantiau@GwEGogledd.Cymru

TEDx GwE



Pleser o'r mwyaf yw eich gwahodd i fod yn rhan o'n digwyddiad TEDxGWE ar gyfer TED COUNTDOWN mewn partneriaeth efo Prifysgol Glyndŵr Wrecsam, Cyfoeth Naturiol Cymru, Adfywio Cymru a phartneriaid strategol eraill.

Mae TEDx yn ddigwyddiad i siaradwyr gyflwyno syniadau mawr y mae ganddynt wybodaeth helaeth amdanynt. Y gwahaniaeth gyda'n digwyddiad ni yw mai ein pobl ifanc fydd y siaradwyr. Ein nod yw dod â disgyblion o bob oed at ei gilydd i siarad am yr Argyfwng Hinsawdd a chreu syniadau a fydd yn gwneud gwahaniaeth mawr.

Ein gobaith yw arddangos syniadau pobl ifanc o bob cwr o'r rhanbarth, gan siarad am brosiectau newydd ac arloesol y maent wedi meddwl amdanynt i helpu i ymladd yn erbyn yr argyfwng. Gobeithio bydd y llwyfan hwn yn help iddynt gael eu clywed, ac yn gwneud i arweinwyr y trydydd sector, y sector cyhoeddus a'r sector preifat ddefro a chymryd sylw. Credwn fod gan ein pobl ifanc y potensial i ysbrydoli eraill ac i brocio trafodaethau sydd o bwys. Cymru yw'r wlad gyntaf yn y byd i gael deddfwriaeth ar gyfer datblygiad cynaliadwy gyda Deddf arloesol Llesiant Cenedlaethau'r Dyfodol 2015. Rydym am ddatblygu hyn a'r cyfle i wneud gwahaniaeth cadarnhaol a hirdymor i genedlaethau heddiw a fory, gyda phobl ifanc wrth wraidd gyrru'r newidiadau hyn.

Os hoffech fod yn rhan o hyn yna mae angen i chi wneud dau beth:

1. [Dilyn y ddolen](#) i gofrestru diddordeb. Fe fyddwn ni wedyn yn anfon dolen atoch at becyn syniadau.
2. Anfon fideo 60 eiliad o ddisgyblion ar Flipgrid (bydd y ddolen ar gael gyda'r pecyn adnoddau) sy'n cyfleu eich syniad, eich materion neu eich ffocws a'r hyn rydych am i arweinwyr, cymunedau a'r rhai sydd yn gwneud penderfyniadau yng Ngogledd Cymru ei wneud. Gall hyn fod yn grwpiau ac yn unigolion o unrhyw oedran.

Cesglir yr holl fideos a bydd arweinwyr ar hyd a lled Gogledd Cymru yn eu gwyllo.

Cynhelir digwyddiad TEDx, fydd yn cael ei ffilmio, ar 1 Tachwedd yn Theatr Clwyd er mwyn i nifer o bobl ifanc gael cynulleidfya fyw a llwyfan i rannu eu barn. Byddwn yn rhoi cefnogaeth i ddatblygu'r sgwrs TED a pheth hyfforddiant a chefnogaeth gyda siarad cyhoeddus.

Podlediad Cadernid Digidol GwE

Mae podlediad newydd GwE yn fyw! Mae'r podlediadau cadernid digidol yn trafod testunau sy'n ymwneud â diogelwch a lles digidol ac yn gyfle i chi ddysgu mwy am yr agweddau dan sylw mewn ffordd hwyliog a hylaw. Mae pennod 1 a 2 bellach ar gael. Chwiliwch am 'Cadernid Digidol' ar eich llwyfannau podlediad arferol neu [cliciwch yma](#).

Pennod 1 - Camwybodaeth

Mae'r cyfryngau cymdeithasol a llwyfannau newyddion digidol wedi rhoi mynediad rhwydd i ni at wybodaeth. Fodd bynnag, maen nhw hefyd wedi darparu gofod heb ei reoleiddio lle gall gwybodaeth anghywir neu gamarweiniol ledaenu'n gyflym ac achosi niwed mawr.

Pennod 2 - Bod yn driw i'ch hun ar lein

Mae llawer ohonom yn croesawu poblogrwydd cynyddol y cyfryngau cymdeithasol ac mae'n gyfle inni gadw mewn cysylltiad yn fwy nag erioed o'r blaen. Mae dros 100 miliwn o luniau'n cael eu rhannu ar Instagram bob dydd, ond o ystyried pa mor hawdd yw golygu lluniau, weithiau gallwn deimlo dan bwysau i greu'r argraff orau o'n bywydau ar-lein.



Gwaith Ymchwil SAFMEDS

Yn nhymor yr Haf, efallai y cofiwch ein bod wedi cynnwys nodyn bod ein gwaith ymchwil cydweithredol i SAFMEDS wedi'i gyhoeddi'n ddiweddar. Braf iawn oedd gweld prifysgol flaenllaw yn yr Unol Daleithiau, sef Prifysgol Johns Hopkins, yn cydnabod yr ymchwil hwn gydag ysgolion yn ei chrynodeb misol o waith ymchwil addysg o gwmpas y byd. Gallwch ddarllen yr adolygiad yn 'Best Evidence in Brief' yma:

<https://beibindex.wordpress.com/2021/08/31/the-secret-sauce-of-effective-interventions-ongoing-teacher-coaching/>

Strategaeth cardiau fflach yn seiliedig ar dystiolaeth yw Say-All-Fast-Minute-Every-Day-Shuffled, neu SAFMEDS, sydd yn rhoi modd i ddysgwyr ymarfer ac asesu sgiliau nes byddant yn dod yn rhugl. Gan fod cymaint o athrawon ar draws Gogledd Cymru yn troi at y strategaeth hon i wella sgiliau rhifedd disgyblion, mae ymchwilwyr o Brifysgol Bangor wedi bod yn gweithio gyda staff GwE i edrych ar fodelau ar gyfer cyfleoedd datblygiad proffesiynol i wella ymhellach ansawdd y gweithredu a deilliannau disgyblion. Yn yr Hap-dreial wedi'i reoli, gwelsom fod cyfuniad o hyfforddiant cychwynnol a hyfforddiant yn yr ysgol yn cael mwy o effaith ar ruglder disgyblion mewn rhif na hyfforddiant cychwynnol yn unig. Yn ystod y pandemig, buom yn gweithio i ddatblygu adnoddau SAFMEDS ychwanegol, gan gynnwys cardiau rhifedd newydd i gefnogi'r continwwm 4 i 16, fideos hyfforddiant ar-lein a chanllawiau i gefnogi rhieni/gofalwyr. Mae'r adnoddau hyn ar gael drwy Ganolfan Cefnogaeth GwE, a bydd hyfforddiant pellach ar gael i ysgolion eleni.



Ymgorffori Ymarfer sy'n Wybodus am Drawma ac Iechyd Meddwl

PAM Y DYLECH WEITHIO TUAG AT Y WOBR AR GYFER YSGOLION A SEFYDLIADAU SY'N WYBODUS AM DRAWMA AC IECHYD MEDDWL

📅 24/09/2021 ⌚ 10:30AM 🖥️ ZOOM

Nod y sesiwn 1.5 awr hon yw hysbysu Penaethiaid, Uwch Arweinwyr, swyddogion awdurdodau lleol a chydweithwyr eraill sydd â diddordeb mewn dysgu am ddull TISUK o ymgorffori Ymarfer sy'n wybodus am Drawma ac Iechyd Meddwl ar draws eu hysgol / sefydliad ac/neu a allai fod yn ystyried gwneud cais am wobwr Ysgolion sy'n iach yn Feddyliol ac o ran Trawma. Nod y sesiwn yw cynnig trosolwg o'n pecyn gweithredu, a siarad am yr hyn y mae'n ei olygu i gael diwylliant o ymarfer Gwybodus am Drawma, sydd wedi'i ymgorffori. Am ragor o fanylion, [cliciwch yma](#).



Ysgolion Sy'n Wybodus am Drawma ac Iechyd Meddwl

HYFFORDDIANT AR GYFER UWCH ARWEINWYR

📅 13/10/2021 · 14/10/2021 · 01/11/2021 · 05/11/2021 ⌚ 09:30-15:30 🖥️ ZOOM

Mae'r cwrs hwn wedi'i gynllunio ar gyfer cefnogi Uwch Arweinwyr i weithredu arferion 'gwybodus am drawma' ac sy'n iach yn feddylion yn eu hysgolion a'u sefydliadau. Mae TISUK yn cydnabod pwysigrwydd ymrwymiad a phenderfyniad Uwch Arweinwyr wrth ymgorffori unrhyw ddull neu newid diwylliannol yn llawn. Bydd y cwrs yn sicrhau bod gan Uwch Arweinwyr y wybodaeth, y sgiliau a'r ddealltwriaeth i wella lles oedolion a disgyblion yn eu hysgol cymaint â phosibl a gyrru'r newid diwylliannol hanfodol hwn. Ceir rhagor am yr hyfforddiant [yma](#).



Dwy sesiwn wyll gyda Shirley Clarke - dyddiadau i'w nodi

Rydym yn falch iawn o groesawu Shirley Clarke yn ôl atom i Ogledd Cymru i'n diweddaru a'n cynorthwyo gyda'n gwaith o ddatblygu ac esblygu asesu ffurfiannol yn ein hysgolion fel rhan o'n paratodau ar gyfer y Cwricwlwm i Gymru. Bydd yn cynnal dwy sesiwn wyll cyn hanner tymor sy'n agored i holl ysgolion y rhanbarth.

28 Medi 2021 3:45 – 5:15 'Asesu Ffurfiannol 2021'

12 Hydref 2021 3:45 – 5:15 'Adborth'

Cadwch le drwy gofrestru ar G6 os gwelwch yn dda.



Asesiad Gwaelodlin 2021

Bu i'r Gweinidog Addysg gyhoeddi mewn datganiad llafar ar 6 Gorffennaf ei bod hi'n ofynnol eleni i ysgolion cynradd gynnal asesiadau gwaelodlin ar ddisgyblion y dosbarth derbyn o fewn y 6 wythnos gyntaf yn Nhymor yr Hydref (gweler y datganiad [yma](#)).

Mae cyflwyniad gan dîm Cyfnod Sylfaen GwE sy'n cynnig arweiniad ynglŷn â sut i asesu disgyblion yn erbyn y proffil cryno o fewn yr adran 'Cyfnod Sylfaen' yng Nghanolfan Gefnogaeth GwE. Fe all y cyflwyniad yma fod yn ddefnyddiol i athrawon sy'n newydd i'r Cyfnod Sylfaen neu'r rhai hynny sy'n gweinyddu'r asesiadau am y tro cyntaf.

<http://cefnogaeth.gwegogledd.cymru/cyfnod-sylfaen-arsylwi-yn-erbyn-y-proffil-cryno/>

Os oes gan athrawon unrhyw gwestiynau ynglŷn â'r asesiadau, mae croeso iddynt gysylltu drwy e-bost i dderbyn arweiniad gan:

AnnaHughes@gwegogledd.cymru

GwawrEleriThomas@gwegogledd.cymru

JoanneDavies@gwegogledd.cymru

Er nad yw'n ofynnol i ysgolion weithredu'r asesiad gwaelodlin â disgyblion meithrin, mae GwE o'r farn fod hyn yn arfer dda er mwyn adnabod gwaelodlin plentyn ar fynediad i'r ysgol.

'Ein Llais Ni'

PROSIECT LLAFAREDD ARLOESOL YN Y GYMRAEG YNG NGOGLEDD CYMRU 2021-22

Rydym yn awyddus i wahodd ysgolion unigol a chlystyrau o ysgolion i ymuno â chyfle unigryw i ddatblygu a mireinio ymarfer er mwyn hyrwyddo sgiliau llafaredd ein dysgwyr. Bydd yn gyfle i ail-danio a gwreiddio sgiliau gwrandao a siarad wrth gynllunio ar gyfer datblygu'r Gymraeg o fewn y Cwricwlwm i Gymru gan ystyried strategaethau dysgu ac addysgu llafaredd rhyngwladol. Bydd cefnogaeth ar bob cam o'r daith wrth roi'r strategaethau ar waith a hynny dan arweiniad arbenigwr rhyngwladol ar hyrwyddo sgiliau llafaredd a strategaethau addysgu dwyieithog, sef Yr Athro Enlli Thomas, Prifysgol Bangor.

Ceir rhagor o fanylion [yma](#) neu gwyliwch y [fideo yma](#).

Llenwch [ffurflen gais](#) yn mynegi diddordeb erbyn **Dydd Llun, 27ain Medi 2021**.

Cysylltwch drwy EinLlaisNi@gwegogledd.cymru os am dderbyn mwy o wybodaeth neu gael sgwrs ynglŷn â'r prosiect.



Dyfodol Byd-Eang GwE: leithoedd Rhyngwladol

Canolfan Cefnogaeth GwE: [leithoedd Rhyngwladol – Sector Cynradd](#) a sector Uwchradd: gwybodaeth, arweiniad, cyfleoedd ac adnoddau.

Cymraeg: <http://cefnogaeth.gwegogledd.cymru/adnoddau-gwe/pynciau-allgraid-adnoddau-gwe/>

Saesneg: <http://cefnogaeth.gwegogledd.cymru/adnoddau-gwe/pynciau-allgraid-adnoddau-gwe/?lang=en>

CYFLEOEDD HYFFORDDI AR GYFER ATHRAWON YSGOLION CYNRADD

Cyfle am gyllid ar gyfer leithoedd Rhyngwladol

Mae tîm Dyfodol Byd-eang GwE yn chwilio am ysgolion cynradd sydd am ddatblygu eu darpariaeth leithoedd Rhyngwladol wrth baratoi ar gyfer y Cwricwlwm i Gymru.

Rydym ni'n cynnig cyfle i nifer o ysgolion gael tanysgrifiad i adnoddau Power Language Schools. Os oes gennych chi ddiddordeb ac yr hoffech wneud cais am y tanysgrifiad blwyddyn hwn, cysylltwch â stephanieelliswilliams@gwegogledd.cymru

Prifysgol Agored- 2021-2022

Rydym yn ffodus dros ben i fod mewn sefyllfa i gynnig **cyfle i athrawon cynradd ddysgu iaith ryngwladol, a chael hyfforddiant i gyflwyno leithoedd mewn ysgolion cynradd** drwy'r Brifysgol Agored. **Ariennir y cwrs yn llawn.**

Os oes gennych chi, neu un o'ch cydweithwyr yn yr ysgol, ddiddordeb mewn cofrestru ar y cwrs, cysylltwch â stephanieelliswilliams@gwegogledd.cymru

Newyddion a Gwybodaeth Consortia Gwella Ysgolion Rhanbarthol



Rhaglen Datblygu Arweinyddiaeth Ôl-16 2021-2022

Mae ein Rhaglen Datblygu Dysgu Ôl-16 yn cynnig cyfle i ddatblygu gwybodaeth a sgiliau i wynebu heriau arweinyddiaeth ôl-16. Am fwy o wybodaeth ac i gofrestru, [cliciwch yma](#).

Rhaglen Bartneriaeth Lles ac Iechyd Meddwl Mind Cymru

Ar y cyd â Mind Cymru, bydd y pedwar consortiwm addysg rhanbarthol yn hwyluso cyfle i ddysgu'n broffesiynol (yn rhithiol, yn y Gymraeg a'r Saesneg) o fis Medi 2021:

[Sesiwn Ymwybyddiaeth Iechyd Meddwl - targedir pob clwstwr ar draws y rhanbarth](#)

Sesiwn 3 awr i godi ymwybyddiaeth o iechyd meddwl.

[Mind - Rheoli Iechyd Meddwl yn y Gwaith a Chefnogi Staff](#)

Sesiwn 3 awr, wedi'i hwyluso, a bydd pecyn ar gael i'w roi i ddysgwyr.

Ceir rhagor o fanylion am y 2 sesiwn [yma](#).

Gwybodaeth ac arweiniad Llywodraeth Cymru

Rhaglen 'Meistr mewn Addysg' Newydd

[Cliciwch yma](#) am y wybodaeth ddiweddaraf am y rhaglen 'Meistr mewn Addysg' newydd sy'n dechrau ym mis Medi 2021.

Ymgrych Recriwtio Athrawon

Disodlwyd gwefan 'Addysgu Cymru' gan 'Addysgwyr Cymru'. Mae Llywodraeth Cymru yn cynnal ymgrych i hyrwyddo addysgu fel gyrfa i gynorthwyr dysgu, newidwyr gyrfa, graddedigion, myfyrwyr a rhieni sydd yn aros gartref.

Gweler www.addysgwyr.cymru i gael mwy o wybodaeth.

Os oes gennych chi stori ysbrydoledig am sut y daethoch chi i'r byd addysg y byddai'n werth ei rhannu trwy'r wefan, cysylltwch â ceriwilliams3@gwegogledd.cymru

Gwybodaeth a Chanllawiau gan Eraill

Rhaglen Gŵyl Hanes Cymru i Blant - Medi/Hydref 2021

Lansiwyd gwefan newydd a rhaglen Gŵyl Hanes Cymru i Blant 2021. Eleni, bydd yr ŵyl yn cynnig amrywiaeth eang o ffilmiau byrion, sgysiau a gweithdai ar-lein newydd sbon dros gyfnod o chwe wythnos yn ystod tymor yr Hydref.

Gallwch bori drwy'r arlwy a chofrestru eich diddordeb ar y wefan - www.gwylhanes.cymru



Y Rhaglen Maethu Lles

Rhaglen yw Maethu Lles sy'n annog gweithwyr proffesiynol i gydweithio, gan ganolbwyntio ar wella deilliannau lles ar gyfer plant a phobl ifanc.

Rydym yn falch o gynnig 5 dosbarth meistr allweddol, fydd yn cael eu cynnal yn rhithiol ledled eich rhanbarth.

[Cliciwch yma i weld beth yw prif themâu'r dosbarthiadau meistr.](#)

Dolen i Gofrestru: <https://www.eventbrite.co.uk/e/fostering-wellbeingmasterclasses-north-wales-r4-registration-158579225733>

Fe'i hanelir at: Gofalwyr Maeth, Staff Gofal Cymdeithasol, Addysg ac Iechyd.

The
Fostering
Network
Y
Rhwydwaith
Maethu

Dosbarth Meistr 1	Dosbarth Meistr 2	Dosbarth Meistr 3	Dosbarth Meistr 4	Dosbarth Meistr 5
21/09/2021 10:00 – 12:30	29/09/2021 10:00 – 12:30	07/10/2021 10:00 – 12:30	14/10/2021 10:00 – 12:30	22/10/2021 10:00 – 12:30

Gweithdai Sbarduno

Mae'r [gweithdai ar-lein](#) yn rhoi cyfle i ddisgyblion y Cyfnod Sylfaen neu Gyfnod Allweddol 2 gael sesiwn awr o hyd er mwyn cyflawni arbrofion syml a hwyliog, gan ddatblygu sgiliau megis cydweithio, gweithio'n annibynnol a datrys problemau a dysgu am Wyddoniaeth syml o ddydd i ddydd.

Y gost ar gyfer sesiwn 1 awr o hyd yw £150. Maent yn addas ar gyfer hyd at 30 o ddisgyblion. Fe'u cynhelir bob dydd Gwener, dros Microsoft Teams neu Google Meet, a cheir dewis o 3 amser: 09:30y.b; 11:00y.b neu 01:15y.p.

Darperir rhestr adnoddau ar gyfer pob gweithdy o flaen llaw, ac mae'r eitemau a nodir yn hawdd iawn cael gafael arnynt. O ran y Gweithdy Lliwiau byddwn yn anfon y papurau hidlo a'r pipedau i chi yn y post.

Mae'r [gweithdy wyneb-yn-wyneb](#) yn ddiwrnod cyfan, o 09:30-2:30y.p ar gyfer Cyfnod Allweddol 2, ac yn weithdy hanner diwrnod, 09:30-12:00y.p ar gyfer y Cyfnod Sylfaen, a hynny ar gyfer uchafswm o 30 disgybl. Y gost ar gyfer y gweithdy wyneb-yn-wyneb yw £400. Bydd costau teithio a llety (pan fo angen) yn cael eu hychwanegu. Darperir yr adnoddau ar gyfer yr arbrofion gan Sbarduno. Cyfoethogir profiadau'r disgyblion wrth iddynt gael gwisgo cotiau labordy yn ystod y gweithdy.

Os ydych yn dymuno archebu sesiwn ar gyfer eich dosbarth neu ysgol, yr oll sydd angen ei wneud yw anfon neges: claire@sbarduno.com



Cyfle i Gymryd Rhan: Prosiect Tegwch Ysgol Gyfan (Cymru)

Drwy gyfres o sesiynau Datblygiad Proffesiynol Parhaus ar-lein ac am ddim i athrawon ysgolion cynradd ac uwchradd yn ystod tymhorau yr Hydref a'r Gwanwyn 2021/2022, bydd y prosiect Tegwch Ysgol Gyfan (Cymru) gan y Sefydliad Ffiseg yn helpu athrawon i adnabod y rhwystrau a allai fod yn cyfyngu ar ddyheadau eu disgyblion, a bydd yn dangos sut y gellir mynd i'r afael â'r rhwystrau hynny yn yr ystafell ddosbarth ac ar draws yr ysgol gyfan.

Bydd pob sesiwn yn para 90 munud ar ôl yr ysgol a bydd rhywfaint o waith i'w wneud rhwng y sesiynau. Argymhellir bod dau athro'n cymryd rhan o bob ysgol fel bod modd rhannu'r hyn a ddysgir. Cyflwynir y sesiynau yn Saesneg.

Mae rhagor o wybodaeth i'w chael [yma](#).

Os oes gennych ddiddordeb mewn cymryd rhan, anfonwch e-bost at: anita.shaw@iop.org

IOP Institute of Physics
Cymru | Wales



MA Astudiaethau Addysg (Rhan-Amser) Prifysgol Bangor

Mae ystod eang o fodiwlau ar gael ar gyfer eich cymhwyster Meistr, gan gynnwys Dwyieithrwydd, Cwnsela, Cymhwysedd Digidol, Dysgu Dysgwyr Dyslecsig, Arweinyddiaeth Addysg, Rheoli Ymddygiad, Theori Dyslecsia a sgiliau Mentora, a astudir dros bum penwythnos yn ystod y flwyddyn academaidd.

Mae sesiwn rhannu gwybodaeth 'Cwrdd â'r Tiwtor' ar 19/09/2021 am 1pm i unrhyw un sydd â diddordeb mewn mynychu'r cwrs neu sydd eisiau gwybod mwy - mae croeso mawr ichi ddod.

Am wybodaeth bellach neu i gofrestru lle yn y sesiwn, cysylltwch â chyfarwyddwr y cwrs, Huw Phillips: h.c.phillips@bangor.ac.uk

Senedd Ieuenctid Cymru

Mae ail ymgyrch etholiadol Senedd Ieuenctid Cymru wedi'i lansio, a gellir cofrestru pleidleiswyr erbyn hyn ar gyfer yr etholiad ym mis Tachwedd. Mae'r dyddiadau allweddol i'w gweld [yma](#).

Dros y misoedd diweddar, mae staff o Dîm Addysg ac Ymgysylltu â Phobl Ifanc y Senedd wedi cynnal sesiynau ymgysylltu ar-lein i ysgolion, colegau a grwpiau ieuenctid at ddiben hyrwyddo Etholiad y Senedd, a gynhaliwyd yn diweddar, ynghyd â gwaith y Senedd a Senedd Ieuenctid Cymru. Bydd y sesiynau hyn yn parhau i gael eu cynnal ar-lein, ond os ydych chi eisiau trafod y posibilrwydd o gynnal sesiynau wyneb yn wyneb, byddem yn hapus i drafod hynny gyda chi. Ffoniwch 0300 200 6565, neu anfonwch e-bost i contact@senedd.cymru os oes gennych unrhyw ymholiad ynghylch cadw lle.

I gael cymorth neu ragor o wybodaeth, anfonwch e-bost i helo@seneddieuenctid.cymru, neu ewch i wefan y Senedd Ieuenctid <https://seneddieuenctid.senedd.cymru/>.

post@gwegogledd.cymru

